

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 12. stav 1. tačka 3. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj 75/04, 38/06, 52/09, 56/09 i 36/14), na prijedlog Kantonalne uprave civilne zaštite, Vlada Zeničko-dobojskog kantona, na 38. sjednici, održanoj dana 30.12.2019. godine, d o n o s i

ZAKLJUČAK

I.

Usvaja se zbirni Izvještaj Kantonalne komisije za procjenu šteta od prirodnih i drugih nesreća o procjeni šteta na području Zeničko-dobojskog kantona koje su utvrđene od strane općinskih komisija sa područja Općina Doboj Jug, Maglaj i Tešanj, za štete nastale na materijalnim i drugim dobrima uzrokovane prirodnom nesrećom (poplavama i klizištima) u vremenu od 13/14.05.2019. do 23/24.08.2019. godine.

II.

Ukupna šteta za Općine Doboj Jug, Maglaj i Tešanj na području Zeničko-dobojskog kantona iznosi 8.952.564,00 KM (osammilionadevetstotinapedesetdvijehiljadepetstotinašezdesetčetiri konvertibilne marake).

III.

Izvještaji o procjenjenim štetama ovih općina su u prilogu ovog zaključka.

IV.

Zaključak stupa na snagu danom donošenja.

PREMIJER

Broj: 02-_____/19
Datum, 30.12.2019. godine
Z e n i c a

Mirza Ganić

DOSTAVLJENO:

1x Kantonalna uprava civilne zaštite,
1x Kantonalna komisija za procjenu šteta od prirodnih i drugih nesreća, putem Uprave,
1x Federalna komisija za procjenu šteta, putem Uprave,
1x Statistički zavod Federacije BiH, putem Uprave,
1x a/a.

ZENIČKO-DOBOJSKI KANTON
Kantonalna komisija za procjenu šteta
Broj: 02-34-15487-1/19

IZVJEŠTAJ
KANTONALNE KOMISIJE ZA PROCJENU ŠTETA O PROCJENJENIM ŠTETAMA
NA PODRUČJU ZENIČKO-DOBOJSKOG KANTONA UZROKOVANE POPLAVOM I
KLIZIŠTIMA OD 13/14.05.2019. i 23/24.08.2019. GODINE

Zenica, decembar 2019. godine

U skladu sa odredbama člana 12. stav 1. tačka 3. Uredbe o jedinstvenoj metodologiji za procjenu šteta od

prirodnih i drugih nesreća („Službene novine Federacije BiH“, broj 75/04, 38/06, 52/09, 56/09 i 36/14), Kantonalna komisija za procjenu šteta, izradila je

ZBIRNI IZVJEŠTAJ O PROCJENI ŠTETA NA PODRUČJU KANTONA KOJE SU UTVRĐENE OD STRANE OPĆINSKIH KOMISIJA

I. UVODNI DIO:

Odmah kod prvih informacija o pojavi i opasnosti od poplava na prijedlog Općinskih štabova civilne zaštite Općinski načelnici općina Doboj Jug, Maglaj i Tešanj proglasili su stanje prirodne i druge nesreće na području općina usljed prirodne nesreće – poplave, sa ciljem ostvarivanja svoje operativne funkcije u spašavanju i zaštiti stanovništva i materijalnih dobara na području zahvaćenom prirodnom nesrećom.

Od momenta aktiviranja struktura sistema zaštite i spašavanja u prvom redu civilne zaštite, policije, jednog broja pravnih lica, kada je zaprijetila neposredna opasnost za nastanak nepogode-poplava, već od 13/14.05.2019. godine stanje na području pojedinih općina se iz dana u dan, sve više se usložnjavalo, da bi zbog izlivanja rijeke Bosne i njenih pritoka iz korita, došlo do plavljenja grada Maglaja, Doboj Juga i Tešnja.

Na području ovih općina došlo je do naglih kolebanja vodostaja na potocima i riječicama, koje su zbog slivanja atmosferske vode vrlo brzo postale bujice koje su nosile velike količine materijala, izljevale se, prodirale u naselja, stambene i pomoćne objekte, gospodarske objekte (proizvodne i druge objekte), a zatim prouzročile oštećenja mostova, dijelova saobraćajnica i dr.. Kao posljedica njihovog djelovanja, aktivirana su brojna stara i nova klizišta i odroni.

Prema Preliminarnoj procjeni šteta od 13.05.2019. godine i 23/24.08.2019. godine, ukupna materijalna šteta na području općina iznosila je:

- Općina Doboj Jug..... 1.408.629,00 KM
- Općina Maglaj.....3.712.092,00 KM i
- Općina Tešanj.....3.831.843,00 KM.

Tokom prirodne nesreće nije bilo poginulih među stanovništvom, nije bilo ranjenih i oboljelih.

Vlada Kantona iz raspoloživih sredstava Odlukom o dodjeli jednokratne novčane pomoći za hitne intervencije usljed stanja prirodne nepogode uzrokovane obilnim kišnim padavinama broj: 02-14-9940/19 od 12.06.2019. godine za sanaciju šteta općinama je dodjelila sredstva i to:

- Općina Doboj Jug..... 10.000,00 KM
- Općina Maglaj.....10.000,00 KM i
- Općina Tešanj.....10.000,00 KM.

Odlukom o dodjeli jednokratne novčane pomoći za hitne intervencije usljed stanja prirodne nepogode uzrokovane obilnim kišnim padavinama broj: 02-14-15393/19 od 11.10.2019. godine za sanaciju šteta općini Tešanj dodjeljeno je 50.000,00 KM.

II. PROCJENJENE ŠTETE

- Prema Izvještaju o procjenjenoj šteti Općinske komisije za procjenu šteta koji je prihvaćen Zaključkom Općinskog vijeća **Doboj Jug** broj: 01-05-1-870-12/19 od 19.09.2019. godine nastala materijalna šteta iznosi: **1.408.629,00 KM**.
- Prema Izvještaju o procjenjenoj šteti Općinske komisije za procjenu šteta koji je prihvaćen Zaključkom Općinskog vijeća **Maglaj** broj: 02-05-1-1117/19 od 31.05.2019. godine nastala materijalna šteta iznosi: **3.712.092,00 KM**.
- Prema Izvještaju o procjenjenoj šteti Općinske komisije za procjenu šteta koji je prihvaćen Zaključkom Općinskog vijeća **Tešanj** broj: 01-44-5-112-89/19 od 01.10.2019. godine nastala materijalna šteta iznosi: **3.831.843,00 KM**.

Ukupna šteta za Općine Doboj Jug, Maglaj i Tešanj na područje Zeničko-dobojskog kantona iznosi **8.952.564,00 KM**.

Komisija:

1. Džavid Aličić,
2. Rasim Kovač,
3. Huso Herco,
4. Nijaz Mačak,
5. Amra Pojskić,
6. Zoran Martinović,
7. Hajrudin Bečić,
8. Sead Džaferović,
9. Nada Delibašić,
10. Senad Huseinagić,
11. Vildana Kondić.

